



FAFANA

Volana Desambra 2023 - Laharana 242 - Vidiny 1 000 Ariary



“...Soraty ny fahitana, ka ataovy velona tsara ny soratra eo amin’ny Fàfana, ...” Habakoka 2²

GAZETY AVOAKAN’NY FJKM ANKADIFOTSY ISAM-BOLANA

SeFaLa ➤ 2

Fanirahana sy fitsofan-drano ireo nahavita fianarana



FINARITRA I



« Ankalazao ny Mpamony »

zavatra ilaintsika eo amin’ny fiaianana. I Jesoa rahateo dia nampanantenfa fa « na inona na inona no angatahinareo amin’ny anarako dia hataoko izany... » (Jao 14 :13).

Tsy tokony atao ambanin-javatra kosa anefa ny fanehoana ny Fankalazana Azy satria Andriamanitra miasa Izy : « nanao asa lehibe tamin’ny sandriny Izy » (Lio 1 : 51 a). Misitraka izany asany izany ny zavaboary rehetra, indrindra isika olombelona. Nahary izao tontolo izao Izy, no mitondra sy mifehy azy koa. Hoy indrindra i Paoly : « Izy no niha-vian’izao zavatra rehetra izao, ary Izy no mihazona azy, sady Izy koa no antony ; Izy anie no homem-boninahitra mandrakizay. Amena » (Rom 11 : 36).

Raha mandinika ny fomba itondran’Andriamanitra ny fiaianantsika isika, dia mahatsiaro fa tsy takatry ny saina izany heriny izany. Mitaona antsika ny mpanao Salamo manao hoe : « Mihira ho Azy, malkala Azy ; saintsaino ny fahagaganahereha ataony. » (I Tan 16 : 9). Koa andeha isika haneho eo amin’ny fiaianantsika : teny, asa, fietsika, toetra fa mahay misaotra sy manksitraka ary malkala an’Andriamanitra isika. Koa ataovy mafy ny antsonao miaraka amin’ny mpanao Salamo manao hoe : “Jehovah Tomponay ô, endrey ny voninahitry ny anaranao amin’ny tany rehetra !” (Sal 8 : 1a).

RAKOTONIRINASOA
Hubert, Mpitandrina


FIAINAM-PIANGONANA ➤ 5

FAMARANANA
NY 35 TAONAN’NY MTA
Voky fiderana ny fiangonana
ny alahady 26 Novambra 2023



FIAINAM-PIANGONANA ➤ 3

SAMPANA LEHILAHY KRISTIANINA
Feno 25 taona
amin’ny 2024



SeFaLa

Fanirahana sy fitsofan-drano ireo nahavita fianarana

Nitombo isa ireo nahavita fianarana avy ao amin'ny Sefala tonga katekista sy mpitory teny ary mpiandry nantsoin'ny Tompo, ka ny 4 Novambra lasa teo no namoahana azy ireo teny Sabotsy Namehana.

Miantso olona mandrakariva ny Tompo hanao ny asany sy hanambara ny Filazantsara amin'ny vahoakany.

Miisa 222 mianadahy ireo nahavita fianarana, andiany "Tsara Fiorenana", izay misokajy ho Katekista, mpitoriteny, ary mpiandry izay notokanana sy notsofin-drano ny sabotsy 4 Novambra 2023, tao amin'ny FJKM Tsarafara Sabotsy Namehana. Mpianitra nahavita fianarana tao amin'ny Sekoly Fanomanana Laika ato amin'ny SPIA 19 izy ireo. Ho antsika ato amin'ny FJKM Ankadifotsy, dia anisan'ny nantsoin'ny Tompo

- Ho Katekista: Ramatoa RAJERISON Julie; Ramatoa RAVELOARILANDY; Ramatoa RAZAFINAINA Malaftiana Oelisoa; Andriamatoa RASOLONJATOVO Hery Andriamanjato.

- Ho mpitoriteny, Ramatoa BOARLAZA Caroll Michèle

- Ho mpiandry, izy 5 mirahavavy izay efa noraisin-tanana teto amin'ny Fitandremana.

Taorian'ny fianarana dia nisy ny fanadinana, ka nahafo ny laharana voalohany Katekista, Andriamatoa RASOLONJATOVO Hery Andriamanjato.

Misy hatrany ny hafatra zaraina ho an'ireo nahavita fianarana sy ny mpianakavin'ny finoana nanatrika ny fotoana,



Mpitoriteny sy solontena mpiandry ary katekista

ary indro zaraina amintsika koa izany. Andriamatoa IRAKO ANDRIAMAHAZOSOA Ammi, Mpitandrina no nitondra ny hafatra. Nizara telo izany hafatra izany:

- mandrodana aloha vao manorina
- mipetraha aloha vao manorina
- tsy miova intsony rehefa miorina

Ny hafatra voalohany nalaina tao amin'ny bokin' i Jeremia mpaminany, Jer 1: 10 - 9, dia nanasongadinany fa mila mandrodana ny fahazarandratsy, ny fitondran-tenatsy mendrika, izay rehetra nampisaraka tamin'Andriamanitra ; ary mibebaka vao afaka miorina. Araka ny nani-

rahana an'i Jeremia, nandroda ny endrika fanompoantsampy rehetra vao nanorina finoana. Koa efa niroso tammin'ny fibebahana marina ve ny Tsara Fiorenana ?

Ny hafatra faharoa, dia nalaina tao amin'ny Filazantsara araka an'i Lioka, Lio 14: 28- 30. Lafo vidy ny fanarahana an'i Jesoa koa mila mipetraka mandini-tena aloha, ary mamantatra tsara izay asa fanompoana anirahana.

Marihana anefa, fa i Jesoa no mameetraka ny fepetra ho an'izay te hanaraka Azy, araka ny hita eo amin'ny andininy faha-26. I Jesoa no tia-vina sy ekena mihoatra ny olona rehetra sy ny zavatra rehetra. Vonona hanao izany

ve isika? Tsarovy fa tsy maintsy misy zavatra hihatratr amino noho ny fanarahana ny Tompo, ary mila mahafoy izay rehetra ananana ho an'ny Tompo. Koa aza atao mampivarahontsana anao izany, fa rehefa nomenao an'i Jesoa ny tenanao sy izay ananana rehetra, dia hiova ny zavatra rehetra, lasa mpitantana ny fananan'i Jesoa ianao, Izy no hifehy sy hitantana izay anananao.

Ny hafatra fahatelo dia nalaina tao amin'ny taratasy ho an'ny Korintiana; 1 Kor 15: 58. Nambarany tammin'izany fa mety ho betsaka ny fanontaniana mipetraka fa tsy olana izany, aza miova intsony. Rehefa manana an'i Jesoa Kristy ho Tompo sy Mpamony ianao, dia mahazo ny tena tsara, dia ny fainana mandrakizay, koa aza mitady ny tsaratsara.

Nantsoina ho any amin'ny mandrakizay isika fa aza varihana mihodinkodina eto antany. Rehefa miala eto dia mijinjan amin'izay safidy.

Ny nitarika ny fotoana kosa dia Andriamatoa RA-BETOKOTANY Miarilaza Andriamaly, mpitandrina, Prezida Synodaly.

Nisy ny fanolorana taratasy fanamarinana, ny fihirana ny hira fanevan'ny andiany sy fakana sary nialoha ny firavana.

Harilalaina A

NY BAIBOLY INDRAY MIELATRA

Ireo anarana iantsoana an' Andriamanitra avy amin'ny teny Hebrew

ELOHIM midika hoe : ilay mahery, ilay mpahary amba ao amin'ny Genesisy.

- El-Schaddaï - (Andriamanitra maheryGen 17:1),
- El-Elion- (Andriamanitra ambony indrindra, Gen 14:18),
- El-Olam- (Andriamanitra mandrakizay Gen 21:33),
- El-Ganna- (Andriamanitra saro-piaro, Eks 20:5),
- El-Hai - (Andriamanitra velona Jos 3:10),
- YAHVÉ - anarana tena ampiasaina ilazana an'Andriamanitra ao amin'ny testamenta Taloha miverina in-6499,
- ADONAÏ - ny Tompoko,
- YAHVÉ-JIRÉ - (Andriamanitra no mahita sy mpanome, Gen. 22:13-14),
- YAHVÉ-RAPHA - (Andriamanitra mpanasitrana Eks. 15:26),
- YAHVÉ-NISSI - (Andriamanitra no manda fiarovako L'Eternel ma bannière, Eks. 17:15),
- YAHVÉ-RAAH - (Andriamanitra no mpiaro ahy, Sal. 23:1),
- YAHVÉ-SHALOM - (Andriamanitra fiadanana Mpits. 6:24),
- YAHVÉ-TSIDKENU - (Andriamanitra no fahamarinantsika L'Eternel notre justice, Jer. 23:6),
- YAHVÉ-ELOHIM- (Jehovah Andriamanitra, Gen 2)

TSY HARITRA

Fivoarana sy fiaianam-pianakaviana

Moa ve azo lazaina ho tsara avokoa rehefa zavatra maoderina ka mitondra fivoarana eo amin'ny firenena ? Fahiny, eo ampiakafoanana manodidina ny latabatra fihinanana ny mpianakavy no mihaona sy mifampitantara ny tontolo androny avy, miresadresaka, mifanakalo hevitra, mihomehy... Ankehitriny kosa, raha vao tafapetraka, dia samy mamoaka avy hatrany ny findainy, ka tsy misy mifampijery intsony na mifampiresaka, fa dia samy rafitra ary raikitra ao anaty finday ny saina sy fo amampahany manontolo, ka na ny sakaf hohanina aza dia adino indraindray ! Matetika dia tsy misy intsony ny fanaraha-maso ny fianaran'ny zanaka rehefa ao an-trano. Efa ny teknolojia avo lenta rahateo no miantoka izany ! Toy izany koa ny mpinamana na mpisakaiza rehefa tafahaona, ny mpihavana rehetra, tsy misy intsony ny dinidinika sy fifanakalozan-kevitra fa avy hatrany dia samy revo ao anatin'ny findainy avy. Koa hahagaga va re raha very tanteraka ny fomba amam-panao Malagasy toy ny famangiana fahorianana, ohatra, satria dia azo atao amin'ny finday avokoa izany ankehitriny ? Asa re mba hanao ahoana ny fiaianan'ny mpivady na ny mpifankatia manokana rehefa azo atao amin'ny finday ihany koa ny fanamboarana zazakely ?!...



FANABEAZANA

Rombaho

15

minitra mialoha ny fanobahan'ny fanadinam-panjakana farafahatarany no tokony ho Tonga any amin'ny toeram-panadinana ny mpiadina tsirairay, anton'izany dia mba hisian'ny fifantohana amin'ny fanadinana, ka vitaina daholo izay pitsopisony rehetra, ariana ny mavesatra : atao ny fanamarihana fahatongavana. Ka rehefa Tonga ny ora, dia miatrika izany am-pitoniana ny mpiadina tsirairay ary hita misongadina fa 30 minitra mialoha dia efa vory lanona ny mpiadina sy ny mpano-

trona, na ny lavitra na ny akaiky. Ho an'ny ato am-piagongana kosa, raha amin'ny 7 ora sy amin'ny 10 ora ny fidirana, ka jrena ny fahafenoan'ny toerana, dia 50% ny dabilio ambany ary 30% ny dabilio ambony ihany no feno. Tsara anefa ny manamarika fa tsy ny saina sy ny watana ihany no tokony omanina, fa ny fanahy ihany koa indrindra indrindra satria ilay Andriamanitra Masina no ifanaovana fotoana.

Koa tsy tokony ho zava-dehibe ve io fotoana fohy isan-ke-

rinandro hihaoanana Aminy ao an-tranony io, araka ny hita ao amin'ny Eksodosy 19 : 14-15 « raha hanome ny didy folo an'i Mosesy Izzy dia nasaina nanamasinany tenany ny zanak'israelay ary ny lehilahy dia tsy navela hanakaiky vehivavy akory », koa tsy rariny ve raha omena lanja ny fotoana fanomanan-panahy mba ho vonona tsara ny tena, saina, fanahy amin'ny ora voatondro, sady voasoratra rahateo hoe « rombahina ny fanjakkan'Andriamanitra », koa tsy izay tonga aloha ve no mahazo azy ?

Asakasak'izay tsy vonona kosa aloha, fa tsenao ny fihaviany Tompo sao tonga mialoha ny 15 minitra mialoha ny ora voatondro Izzy ka voahidy any ivelany tahaka ireo virijiny 5 anala izay traatra ariana ianao, sady rombahina koa anie ny fanjakkan'ny lanitra e ! Ndao mba ho tonga mialoha amin'izay ary e, ho fanehoana ny fahavononana hihaoa amin'ny Tompo. Mahereza, homba antsika mianakavy anie IZY.

ANKIZY

Ny lanjan'ny lalao eo amin'ny fiaianan'ny zaza

- Ilaina tokoa amin'ny fampive-larana ny maha-izy azy ny lalao.
- Noho ny lalao dia :
 - mandroso ny fahafahany mihet-sika eo amin'ny ara-batana.
 - miatrika sy mifanerasera amin'ny fandresena sy ny tsy fahombiazana.
 - mitaiza azy tsy hahery setra.
- Ny lalao no mitarika azy ho zatra mikirakira sy mandanjanja sahady eo amin'ny fiaianana.
- Ny lalao no mamolavola ny sain'ny zaza ho tia mikarokaroka.

Ho an'ny olon-dehibe, dia fakana aina sy fialamboly ny lalao, fa ho an'ny zaza dia tena sakafy fiaianana ny lalao.

Tsara hofantarina fa ny lalan'ny zaza mbola kely no lasa asany rehetra lehibe.

Ny fivoaran'ny lalaon'ny zaza dia miakina amin'ny taonany : -Mialoha ny 7 taona, dia ny kilalao azony lalaovina samirery no tena mahasarika azy.

-Aorian'ny 7 taona kosa, dia ny kilalao lalaoviny miarak amin'ny namana maro no tena ilainy. Kilalao mampiasa saina sy mirakitra fifaninanana no mamenno ny fivelarany zaza 7 taona no mihoatra.

Mbola hitohy.
(Akany fibeazana fotora. "Ny sekoly no ankohonana voalohany", Rasoanindrina Marguerite, Conseillère pédagogique).

Tojo R.

FANTARO

Ireo apostoly 12 lavy

Taorian'i Petera sy Jakoba dia i Jaona sy Andrea indray kosa no horesahina eto.

Jaona : ilay mpianatra tian'i Jesoa indrindra, rahalahin'i Jakoba tetsy aloha. Ilay nanoratra ny filazantsara araka an'i Jaona, ny epistoly: I, II, III Jaona ary ny Apokalipsy. Iray tamin'ireo mpianatra nentin'ny Tompo tany an-tendrombohitra tamin'ny niovany tarehy. Izzy ilay Tonga nanatrika teny amin'ny nanombohna an'i Jesoa teo amin'ny hazofijaliana ka nanankinan'i Jesoa ny reniny, Jao.19 26-27, teny amin'ny fasana izy no nino fa i Jesoa efa nitsangana tamin'ny maty Jao.20. 1-10, izy ihany koa no nahafantatra fa i Jesoa ilay teo amoron-drano i Galilia Jao. 21. 1-7. Nitondra fiagonana tao Jerosalema sy Efesosy izy. Nigadra sesitany tao amin'ny nosy kely atao hoe Patmo izy.

Andrea : rahalahin'i Petera, mpanjono, nitarika ny rahalahiny teo amin'ny Jesoa rehetra resilahatry ny fijoroana valvolombelon'i Jaona mpanao Batisa ny amin'i Jesoa Izzy, ary tia nitarika ny hafa ho eo Aminy koa, tahaka ireo grikia te-hihaona tamin'ny Jesoa. Anisan'ireo nalazan'i Jesoa fa ho mpanarato olona izy.

Nanangona : Fifi AV

Synodam-paritany Iarivo Avaradrano 1 075 ny olona tonga namonjy ny fivoriambe faharoa SPIA 19

Fotoan-dehibe ho an'ny synodam-paritany Iarivo Avaradrano ny 25 Novambra lasa teo.
Tamin'io fotoana io no nanataneraha ny fivoriambe faharoan'ny synodam-paritany.

Notanterahina ny sabotsy 25 Novambra 2023 tao amin'ny FJKM Antanimena Atsinanana Fifaliana ny fivoriambe faharoan'ny Synodam-paritany Iarivo Avaradrano. 1075 ny olona tonga tamin'izany.

Tamin'io fotoana io koa no nanaterana ny vatan-drakitra isam-pitandremana ka ny voaangona tamin'izany dia 71.775.100 Ariary, izany dia hividianana tany ho an'ny synodam-paritany ho fanamarihana ny faha-25 taona.

Nitarika ny fotoana ramatoa Ranarimalala Nirina Harisoa, Mpitandrina, Mpitantsoratra SPIA 19 ary ny nitondra ny hafatra dia Andriamatoa Rabetokotany Miharlaza Andriamialy, Mpitandrina, Prezida synodalny SPIA 19, ka ny nakany ny fampianarana dia tao amin'ny Matio 2 : 31 – 46, izay nilazany fa mampihari-hary sy mampiomana ny fi-havian'ny Tompo ny voalaza ao. Koa manana safidy ny olona rehefa tonga i Jesoa Kristy, ka izay nanao ny sitrapony dia antsoiny ary hotahiany ka handova ny fiaianana mandrakizay.

Aiza no tokony hisy ny olona iray?

Ny mpanompon'Andriamanitra manao izay nampa-naovin'ny Tompo azy no hametrahan'i Jesoa Kristy



Ny solotenan'ny FJKM Ankadifotsy nitondra ny vatan-drakitra

azy. Ny andrasana amin'ny fiangonana dia ny history ny Filazantsara, izay no antom-pisian'ny fiangonana mba hahatonga ny olona ho voavonjy, noho izany dia mila manao ny asan'ny Tompo isika.

Ataovy izay hahatonga antsika ho raisin'i Jesoa Kristy, ataovy izay hahavonjy ny olona rehetra. Mila mibanjina an'i Jesoa Kristy isika. Ataovy izay hahatonga antsika ao amin'ny Tompo mba handovana ny lanitra.

Taorian'izany dia nisy ny fanolorana sy fandraisantanana ireo Mpitandrina vaovao sy ireo nahazo ny diploma Master, teo ihany koa ny fanolorana ireo Tale sy mpampianatra vaovao hiasa eto amin'ny SPIA 19.

Nisy koa ny tatitra izay nataon'ny filohan'ny Sekoly FPMP Andriamatoa Rakotonirinasoa Hubert Mpitandrina, ny mikasika ny Sekoly FJKM izay manana ny tanjona : Sekoly Mitombo, Sekoly Filamatra, Sekoly Mivelatra. 141 no sekoly FJKM izay heverina hisokatra, kanefa dia mbola 70 izany amin'izao fotoana izao. Marihana fa mbola tsy misy Sekoly misokatra eto amin'ny SPIA 19.

Raha ny voka-panadiana kosa indray, dia mahavelombolo satria tsara lavitra noho ny an'ny sekolim-panjakana izany - CEPE: 75% ny salan'isan'ny sekolim-panjakana, 83% kosa ny sekoly FJKM ary 84% ny tetra

Avaradrano

- BEPC: 54% ny an'ny fanjakana ka 68% ny FJKM ary 66% tetra Avaradrano
- Bacc: 57% ny an'ny fanjakana, 65% ny sekoly FJKM ary 78% ny tetra Avaradrano.

Momba ny fampitaovana indray, dia efa nivoaka ny boky fampianarana Soratra Masina (Fasoma taloha) ka lasa Soratra Masina Iainana (SOMAI).

- Efa misokatra ihany koa ny Aumonerie eto amin'ny SPIA 19 ka eny Anosy Avaratra no misy azy.


Ny famaranana ny jobily Volafotsy faha-25 ny SPIA 19 dia ny 23 Desambra 2023 ka ny toerana dia any amin'ny Tany vaovao.

Nanangona Ianja R.,
Malala Soa

Sampana lehilahy Kristianina Feno 25 taona amin'ny 2024

Hanamarika ny faha-25 ny sampana amin'io taona hoavy io raha sitrapon'Andriamanitra ny SLK. Nijoro ny Alahady 3 May 1999 ny sampana lehilahy Kristianina eto amin'ny Fitandremana Ankadifotsy, hoy ny filohany Rakotozanany Christophe.

Efa tafajoro ny komity hitarika izany fankalazana an'Andriamanitra izany, hoy ihany izy nandritra ny fanta-teram-bokatra izay natao ny 26 novambra teo. Teny faneva manetsika ireto lehilahy Andriamanitra ireto ny hoe : «Fa raha izaho sy ny ankohonako kosa dia hanompo an'i Jehovah izahay» Jodia 24.15b. Tanjon'ny sampana lehilahy Kristianina ny ho mafy



Rakotozanany Christophe, filohan'ny Sampana Lehilahy Kristianina

orina tsara amin'ny finoana mba ho marina ny fanolaran-tenan'ny lehilahy ho an'i Jesoa Kristy Tompo, ka ho sahy hijoro vavolombe-lona tokoa izy eo amin'ny sehatra rehetra ametrahan'ny Tompo azy. Fiaianana ny Tenin'Andriamanitra sy ny fizarana izany, fandehana amin'ny fahamarinana, fomba fiaianana eo anivon'ny fianakaviana, ny fia-rah-a-monina, ny firenena, ny tontolo iainana. Izany hoe, raha fehezina, ho lehi-

lahy lehibe mahatratra ny ohatra ny ahalehiben'ny fahafenoan' i Kristy ny lehilahy Kristianina efes. 4.13.

Ankoatra ny fanomanana ny jobily, dia hiatrika ny zaikabe faha-8 ny sampana amin'io taona hoavy io ary ny fihaonambe faha-13 kosa ny volana Jolay 2024.

Miantso ny lehilahy rehetra tsy ankanavaka eto amin'ny fitandremana hanatevin-daharana ny SLK ny Filoha, izy ireo dia mivory isaky ny zoma hariva amin'ny 5 ora sy ny alahady fahatelo anelanelan'ny fotoam-pivavahana roa ao amin'ny Akanin'aina ambanay rihana.

FifiAV

Advento

Difotry ny olam-piaianana ny Kristianina maro ankehitriny hany ka maro no tsy mahafantatra intsony na dia ny datin'andro aza. Advento isika izao, miomana ho amin'ny fiavian'i Jesoa amin'ny Krismasy, ankatoky ny noely isika ankehitriny, saingy vitsy no mbola misaina izany aloha izao.

Ny teny hoe « Advento » aza mety maro no tsy ma-halala.

Ny Advento ve ?

Ny « Advento » dia midika hoe: fahatongavana na fia-viana. Vanim-potoana litorjika ho an'ny fiangonana Kristianina ny « advento ». 4 herinandro mialoha ny Krismasy no fotoana misy azy. Hiomanana amin'ny fia-vian'ny Tompo. Izany hoe hiomanana amin'ny ahatsiarovana ny fiavian'i Jesoa Kristy voalohany, ny nahatongavany ho nofo, ny nahaterahan, nahatongavany ho olona namonjy antsika.

Misy Alahady efatra araka izany amin'ny Advento ho fiomanana mialoha ho amin' izay nahaterahan'ny Mpamony izay.

Fotoana fiomanana ara-panahy amin'ny fankalazana ny nahaterahan'i Kristy. Fanombohan'ny taom-piango-nana tandrefana kosa sady manomboka amin' ny Alahady fahefatra alohan'ny Noely na Krismasy, izay atao hoe: Alahadin' ny Advento, dia ny Alahady manakaiky ny 30 Novambra ao amin' ny Katôlika rômana, ny Ôrtôdôksa tandrefana, ny Anglikana, ny Loterana,..

Fotoam-pandinihan-tena miavaka ho an'ny mpino araka izany ny Advento satria fotoam-piomanana ao ampo, fotoam-pibebahana, fanavaozana fanoloran-tena,... hananana fifaliana sy fiadanana hitsenana ny Mpamony amin'ny fo mendrika sy madio amin'ny noely.

Iriana ary ny Adventonao ho feno ny fanatrehan' Andriamanitra, hiomananao tsara ho tena tafahaona amin' Ilay Mpamony ianao amin'ity noely 2023 ity.

FifiAV



FJKM Salema Vaovao 67Ha 17 mianadahy ireo nahavita fiofanana famakiana Soratra masina

Tontosa ny sabotsy 25 Novambra 2023 lasa teo ny fiofanana famakianteny ireo Diakona, Biraon'ny Fiangonana tao amin'ny FJKM Salema Vaovao 67Ha. Efa fandaharan'asan'ny fiangonana ny hanao izany amin'ity. Izany dia entina manatsara ny fihainoana ny Tenin'Andriamanitra sy ny fanompao-pivavahana.

Araka ny nambaran'Ato Randriamisata Roger, Mpitandrina ao an-toerana, dia ny Tenin'Andriamanitra irery ihany no fototry fiaianan'ny fiangonana. Nilaza izy fa tsy ny Toriteny ihany no manova olona, fa ny Vakiteny indrindra koa. Ny mpamaky no miaina tsara izany ary mampita aina amin'ny fiangonana. I Jesoa Kristy no Tenin'Andriamanitra tonga nofo.

Vonona izy ireo amin'ny fananganana rafitra ary ireo niofana kosa hampita izany amin'ireo sampana, sampana asa sy fikambana ary ny fiangonana manontolo.

Rojo Ramaro



Mpiofana tao amin'ny FJKM Salema Vaovao 67 Ha

Ankalazaina

Dera, Laza ho Anao ry Ray
 Matoa mijoro toa izao dia noho lanao
 Ka mahatratra izao taona maro izao
 Dia noho Ilay Fitantananao mahagaga
 Sy ny Sandrinao Mahery
 Koa Misaotra, Misaotra e ry Ray

Avia hiara-hidera, andeha hiara-paly
 Hisaotra sy hankalaza Ilay Tompo Nahary
 Fa Fitahiana maro sy sesehena
 No indro taminao
 Satria malaza sady maha te hidera ny Asanao
 Koa misaotra, Misaotra e ry Ray

Feno haravoana, tretrika tokoa
 Dimy amby roapolo amby zato taona
 Fitahiana tsy manam-paharao
 Fahasoavana tsy hita lany
 Matoa ny olonao toa izao
 Koa Mankasitraka e, Mankalaza Anao ry Ray.

Rakotoarivelo Tojo -Hery
15 /06/22 tamin'ny 8ora alina.

MAZOTOA HOMANA**Akoho amin'ny crème**

Zavatra ilaina ho an'olona 4 : nofon'akoho, tongolo 2, champignons de Paris 200g, crème liquide 15cl, persily, sira, dipoavatra, divay 2cl.

Fomba fikarakarana azy : Vooso dia teteho ny tongolo,

sasao ny holatra ary teteho manify. Hafanao ny menaka iray sotro ao anaty lapoaly dia endaso hahazo loko ny nofon'akoho ka avelao hijanona eo aloha.

Mamerena manendy tongolo indray ao anaty lapoaly dia endaso ao koa ny holatra ary arohirohy matetika mandram-piala ny rano aminy. Arotsaho ny divay, avelao ho ritra, ary arotsaho ny crème.

Arotsaho ao anaty lapoaly amin'izay ilay fangaro teo aloha dia afangaroy miaraka amin'ny sira sy dipoavatra ary ny persily voatetika madinika.

Mazotoa homana indray àry!

R.Sidonie

MBA SAINO**TOAKA**

Rehefa tonga ny fotoana
 Fanaovam-pety tahaka izao
 Dia fahita ombieniombieny
 Fa mitobaka eny koa
 Ireo fisotro maro loko
 Ary koa ireo tsy fisotro
 F'efa fantatra mazava
 Fa manimba tsotra izao!
 Fa potehiny avokoa
 Ny vatan-tenanao mpisotro,
 Ny fiainan-tokantranonao,
 Ny fifandraisana amin'ny hafa
 Ka vaky ady, tabataba,
 Ilay fifaliana nisy teo!

Dia samy mba misaina isika
 Raha andro tokony hifaliana
 No mivadika ho loza
 Ahitana gidragidra;
 Eny, mety hamoizana aina
 Na hitondrana indray takaitra...
 Fa ny rano mahasoa,
 Marobe mahafa-diana
 Hisafidianana eny an-tsena,
 Ka nahoana no efa hita
 Fa rano afo izay handoro
 No hisihanao hatrany?
 Saino izany anio!

IRAKO AMMI

Fianjaika**Akanjo mihaja**

Amin'izao ankakoty ny fety izao, dia akanjo mihaja ho an'ny andriambavilanitra no atolotra antsika. Misy endrinys samihafa sy loko maro karazana azo isafidianana izy ireto.

R.Sidonie

**Ny voan'ny mahabibo
(Noix de cajou)**

Ireo otrikaina sy singa hita ao amin'ny voan'ny mahabibo : B1, B2, B5, B6, B9 – C – D – E – K – BORE – CALCIUM – CUIVRE – FER – GLUTAMINE – MAGNESIUM – MAN-GANESE – ZINC ...

Ireo soa azo avy amin'ny fihinanana voan'ny mahabibo :

- Manatsara ny fiasan'ny tsinay
- Mampitombo sy mampatanjaka ny hery fiarovana
- Mampidina ny tosindrà
- Manampy amin'ny fanalana menaka ratsy ao amin'ny vatana
- Miaro amin'ny aretin'ny fo sy ny fahatapahan'ny lalandrà
- Entina miady amin'ny homamiadana
- Manamora ny fivalanana
- Miady amin'ny fahazoan'ny vatana lanja
- Tsara ho an'ny taolana sy ny volo ary ny fahasalamana'ny maso
- Miady amin'ny tsy fahampiandrà



- Mandrindra ny tahan'ny siramamy ao amin'ny râ
- Mampitony amin'ny fanahiana be loatra
- Miaro amin'ny fiforanon'ny vato ao amin'ny voa

Voankazo mitondra otrikaina maro ho an'ny vatana ny mahabibo. Azo ahodina ho ranom-boankazo na "confiture" ny nofony matoy, azo endasina na avadika ho ronono koa ny voany. Amin'izao ankakoty ny fety izao, dia azonao atao ny mizara mamy sy fitiavana ho an'ny ankohonana sy ny fianakaviana, amin'ny fanolorana lovia voa-

haingo voan'ny mahabibo voaendy na tsia miaraka amin'ny voaloboka maina "raisin sec", "chocolat" voatapatapaka ary voankazo maina isan-karazany. Mirary fety feno fifaliana sy fahasalamana ho antsika rehetra.

Fanja Raveloarijaona

Famaranana ny 35 taonan'ny MTA Voky fiderana ny fiangonana ny alahady 26 Novambra 2023

Fiderana manetriketrika no nentina namaranana ny fankalazana an'Andriamanira noho ny faha-35 taonan'ny Mpamakiteny Ankadifotsy. Tamin'io fotoana io ihany koa no nanolorana ny fiangonana ny tsangambaton'ny fankalazana.

Tratra ny tanjona ho an'ny komitin'ny fankalazana an'Andriamanitra noho ny faha-35 taonan'ny Mpamakiteny Ankadifotsy. Natolotra ny fiangonana tamin'io fotoana io ny tsangambato "studio d'enregistrement".

Araka ny voalazan'ny filohan'ny komity Atoa Satry Ramaroson, dia entina mamonto ny Filazantsara an'i Madagasikara izany fiaovana izany.

Fiderana mafana sy nia-vaka no nentina nanaovana ny Litorja amin'ny endriny fahefatra.

Niara-nientana ny fiangonana manontolo izay notarihan'ny Mpamakiteny sy ny Prezida synodaly Iarivo Avadrano Atoa Rabetokotany Miarilaza Andriamialy, Mpitandrina. Ny fidirana tamin'ny 7 ora dia ny Mpitandrina délégué Atoa Rakotonirinasoa Hubert no nitarika ny fotoana ary ny Prezida synodaly no niton-



Tamin'ny endriny miavaka no nanaovana ny vakiteny tamin'io fotona io

dra ny hafatra. Tamin'ny 10 ora kosa dia ny Prezida synodaly no nitarika sy nizara ny Tenin'Andriamanitra izay nalaина tamin'ny Matio 25 : 31-46.

Nilaza ny Mpitandrina fa ny fanompoana dia ny fanomanana ny fiaianam-mandrakizay. Ny iraka andrasana aminao dia ny hity ny hafa ho voaantsso

eo ankavan'an'ny Ray. Ny vakiteny dia natao tamin'ny endriny miavaka. Ny zavamaneno tena nientana ary ny rehetra niaraniombona avokoa.

Nitohy ny tolakandro ny fiderana lehibe niaraha tamin'ny tarika Rojo ny Avo. Marobe ireo tonga nanatrika izany na ny avy eo an-toerana na ireo avy

"Raiso ny Tenin'Andriamanitra ho sabatry ny Fanahy". Efesiana 6 :17

Rojo Ramaro



Fitokanana ny tsangambato niaraha tamin'ny filohan'ny SPIA.



Fiderana miavaka nandritra ny fanompoam-pivavahana

Saha Edena Fankalazana ny faha-15 taona an-tsary



Ireo mpikambana ao amin'ny Saha Edena, niaraka tamin'ny filoha teo aloha Ramatoa Ranjakavola



Fanapahana ny mosomamy ho mariky ny fankalazana ny faha-15 taona



Fahitalavitra lehibe iray no loka lehibe indrindra tamin'ny "plaquettes".



Dihy seho an-tsehatra nandrevaka ny lanonana

Etsy ange e!

Amin'izao faramparan'ny taona izao, indreto misy fampahafantarana fandaharam-potoanan'ny sampana vitsivitsy volana Desambra 2023.

Sampan'asa Asa fitoriana filazantsara AFF

Mialasasatra ny sampan'Asa fitoriana filazantsara AFF manomboka ny 16 Desambra 2023 ary miverina miofana kosa indray ny 20 Janoary 2024 eny amin'ny IFR.

Dorkasy Ankadifotsy

Ny Sampana Dorkasy F.J.K.M. Ankadifotsy dia hankalaza ny noelin' ny Dorkasy ny talata 12 Desambra 2023. Aorian'izany, dia hiroso amin'ny filazantsasatry ny Noely ny sampana.

SVM Ankadifotsy

Ny Sampana Vokovokomanga sy ny Rantsana Fanantenana eto amin'ny Fitandremana dia hanteraka fivoriana famaranana ny taona eny amin'ny Centre d'accueil Mompera Soavimbahoaka ho fitrotraona am-bavaka ny taona 2024 sy hanaovana jery todika ny taona lasa ny Sabotsy 30 Desambra 2023. Miantso ny mpikambana rehetra ho tonga mavitrika amin'izany.

Ny Asa Flfandraisana sy fampahalalam-baovao AFIFAB eto amin'ny fitandremana Ankadifotsy dia mirary noely sambatra 2023 ho an'ny isam-piankononana ary taona vaovao 2024 feno fitahian'i Jesoa Kristy Tompo.

Nanangona FifiAV



HAFATRA FOHY

"Tsy ny harena na ny fitombon'ny harin-karena no mampandroso ny fiaraha-monina iray, fa ny fahendren'ny mpitonandra sy ny vahoaka entina. Tsarovy anefa fa tsy izay rehetra neverina na lazaina ho fahendrena akory dia fahendrena. Fitaka sy fisolokiana izay rehetra tsy mamaka amin'ny finoana sy ny fatahorana is an'Andriamanitra Ray, Zanaka, Fanahy Masina, satria ao Aminy no misy ny tena fahendrena marina."

Rabekely



FIKARAKARA voninkazo

Ireo tompon'andraikitra mikarakara voninkazo amin'ity :

- 02 Desambra : groupe 21
- 09 Desambra : groupe 22
- 16 Desambra : groupe 23
- 23 Desambra : groupe 24
- 25 Desambra (Krismasy) : groupe 01
- 30 Desambra : groupe 02
- 01 Janoary 2024 : groupe 03

Nanangona Malala Soa

Farimbon'ny fifankatiavana

Manitra krismasy ny andro

Samy mitsinjo ny fahatongavan'ny krismasy indray ny eran-tany. Misy tany efa naka tombom-potoana nampirenty ny tanàna amin'ny haingon-jiro, sy kojakoja krismasy efa iray volana mialoha.

Fa ny tena andrasana kosa ary iraisana dia ny sasakalina sy ny andro krismasy. Efa hita mihatery ny lalana manamorona ny tsena mivarotra ny kojakoja fianjaika sy ny kojako-jam-pampihaingoana hazo krismasy. Fitohanana hita etsy sy eroa. Samy mijery izay tandrify azy avy avokoa ny tsirairay tsy mifidy taona. Ny zaza sy ny ankizy miandranda kilalao avy amin'i Dadabe Noely, ny lehibe dia mibanjina ny fandaniana ara-tsakafo hiarahan'ny mpianakavy mizara.

Maka endrika manokana, manafana sady manazava kosa ny fiainan'ny mino ny krismasy, izay fotoana sy andro hanamarihana ampo sy ivelany fa i Jesoa Kristy no Tompo sy Mpamony. Fiderana amin-tsiky sy amim-pifaliana no manamarika ny endrika ao anatin'ny fandaharam-potoana vao iny nitsidika iny ny volana desambra. Toa fotoana ahafahana mifandefitra mora kokoa ny volana desambra, misy moa ho an'ireo mpanala fanadinana amin'ny hahazoana mamily fiarakodia milaza fa mora fo ny mpanadina amin'ny manatona andro krismasy iny !



Jirom-pamonjena

Toa mahay manadino ny lanjan'ny fahefana ananany ny olona, indrindra fa fantany fa Iray ihany no « *lalana, sy fahamarinana ary fiafiana* » - Jaona 14 :6a, i Jesoa Kristy nomena, tonga, nanaiky hidina hiara-hiaina ny ngidimpainana tsakoin'ny olombelona.

Andriamanitra foin-dRainy hiteraka tety antany Izy. Raha ny fiavany dia efa samy niomana ny kristianina FJKM ary efa mby an-koditra ny fofon'ny fitiavana ankalazaina sy de-

raina ny sasakalina sy mandritra ny andro krismasy. Manako feo fifaliana ny trano fiangonana kristianina santarin'ny alahady advento ka hatrany amin'ny taom-baovao.

Zaza no teraka ho Mpampiray

« *Tsy misy intsony na Jiosy na Grika na andeo na tsy andeo na lahy na vavy ; fa iray ihany ianareo rehetra ao amin'I Kristy Jesoa* » - Galatiana 3 :26

Fanomezan-dehibe no azon'izao tontolo izao tamin'ny nahaterahan'i Jesoa tao an-tranonombry. Antontam-bozabozaka aman-drawiny no nametrahan'ny ray aman-dreniny an'i Jesoa Kristy, tao anaty alina mangina, milamina, lavitry ny tebiteby. Hatrany am-bohoka i Jesoa Krsity dia efa nanana lalana sy tanjona voafaritra. Voahodidina fitahiana ny ray aman-

dreniny ka nandray anjara tamin'ny fahatongavany, Izy Ilay Kristy. Anjely aman-kintana no nanaraka ny lalana novakivakian'izy ireo nankany Bethlehem. Ho fiadanana no naha-tongavan'i Jesoa, ary firaosana sy firahalahiana no vokatry ny fandraisana Azy. Fa miankohoka midera azy, miondrika, kanefa koa manandra tra fo sy tanana ny mpino mandritra ny vanim-potoanan'ny krismasy.

Adino ny fifandirana, misokatra ny varava-



Fo maro, ho iray

rama, ifampizarana ny sakafao, miara-mihira ambo-diafo ny rehetra. Toa mihataka tsy maharitra

ny hevi-pampisarahana, fa mifanakalo fano-meza ny kristianina. Ny vanim-potoanan'ny krismasy moa dia ahitana fankalazana fanambadiana maro, tahaka ny fiteny hoe : « *hanambady amin'ny faran'ny taona...* ». Fararanom-pitiavana ny krismasy, samy maka endrika maneho fitiavana ny kristiana, mifampivavaka, mifankahatsiaro mbà samy ho voatahy ny isan'ankohonana.

Tany iray mandray ny krismasy amin'ny fomba maro sy feno i Madagasikara, ka ny tanana sy ny fo anie hifandray, hifarimbona hiara-handroso, hitia sy hifankatia.

Jocelyn R.



TENY FIAINANA

Ary ny Tompo hanafaka ahy amin'ny asa ratsy rehetra ka hamony ahy ho any amin'ny fanjakany any an-danitra ; ho Azy anie ny voninahitra mandrakizay mandrakizay.

Amen
II Tim. 4:18

> VOLINTSAINA

Volintsaina Krismasy

Mba ho Kristiana...
Mba ho Kristiana mpampahery fa tsy hoe: hampaherezina foana
Mba ho Kristiana miaina vavaka fa tsy entina amimbavaka hatrany
Mba ho Kristiana feno hery fa tsy feno tahotra sy fanahiana
Mba ho Kristiana mifanohana fa tsy mifanakiana sy mifandrava

Mba ho Kristiana mahita fitia amin'Andriamanitra ka tsy hialona ny anjara fitahian'ny hafa
Mba ho Kristiana mifankatia fa tsy mifandray
Mba ho Kristiana afaka sy sahy hitory an'i Jesoa Kristy fa tsy ho mpiangona tsotra intsony
Mba ho Kristiana mahazo antoka fa voasoratra ao amin'ny bokin'ny fiafiana ny anarany, ka tsy ho faty antoka fotsiny izy.
fifiav

> PERIKOPA DESAMBRA

Antalazao ny Mpamony

Alahady 03 Desambra

1 Tan. 16:4-14 / Jao. 17:1-5 / Asa. 3:44-48

Alahady 10 Desambra

Sal. 8:1-9 / Mat. 21:15-17 / Heb. 2:10-18

Alahady 17 Desambra

2 Sam. 22:47-51 / Mat. 5:13-16 / Rom. 15:7-12

Alahady 24 Desambra

Sal. 113:1-9 / Lio. 1:46-56 / Rom. 11:33-36

Alahady 25 Desambra

Isa. 11:1-1 / Mat. 2:1-12 / Gal 4:1-7

Alahady 31 Desambra

Isa 26:11-15 / Jao 14:12-14 / Efe 1:1-6



FAFANA

Mischo isam-bolana
Mpandrindra :

ANDRIANARISON Veronica
RAHAINGOMALALA Sidonie

Komity fanoratana :
RAZAFINDRANGALY Ninie
RAKOTOARIVELO Tojo hery
RAZAKA Ianjanaina

RAMARO Rojo

RASOVELOSON Jocelyn

RANDRIANASOLO Haja

ANDRIANTSILAVO

Harinjaka Mampianina

RAHANITRAMALARISOA

Ralantoharimana

RAVELOARIJAONA Fanja

ANDRIANARAJONA

Oimalala Livaharisoa

Malala Andrinaina

RAVELONARIVO Harilaina

ANDRIANTSOAMIHAMA

RATSIMATAHOMANANANini

RAKOTOMALALA Rado

RAKOTOSON Tovoher

RAMAROSON Satry

RATIARAY Sahoby

Fanitsiana Tsipeline :

RATSITOARISON Hanta

Rindra ara-takelaka :

RANAIVOSON Haja

Mailaka :

fafanagazety@live.fr

Tél. : 034 84 497 64

Printy :

Imprimerie RAJAONARIVONY

Adiresy :

Lot IVN 50 A

Ankadifotsy - 101 Tanà

GSM : 033 14 281 27

T S E N A O A M I N ' N Y F I H A V I A N ' N Y T O M P O

Alahady 3 Décembre izay nalaina tao amin'i Jaona 17:1-5

Hafatra roa lehibe no zaraina amintsika raha hankalaza ny Mpamony isika:
1- Ankalazao ny Mpamony fa loharanon'ny fiafiana Izy.

Hanome fiafiana hoan'izay mino azy Izy.
Tsarovy fa misara roa ny fiafiana "Bio" dia fiafianan'ny olona amin'ny maha zavaboahary azy ka misy fiafaranay, fa ny "Zoé" kosa dia fiafiana mandrakizay.

Ny fiafiana avy amin'ny teny grika hoe "Zoé" no tena omen'Andriamanitra antsika satria io no fiombonam-piaianana amin'Andriamanitra izay ankanan'ny fiadanana, fiafiana ary fitiavana ny asa tsara.

2- Ankalazao ny Mpamony fa fototry ny asa tsara Izy.

Ilay iraka hanome fiafiana dia asa tanterahina (ny fahafatesan'i Jesoa Kristy teo amin'ny hazo fiafiana). Izay rehetra manota dia tsy maintsy maty.

Tsy maintsy mandringana ny mpanota Izy, fa manome fiafiana ny olombelona.

Ny asa tsara tanteraka teto dia ny nanekeni Jesoa ny sitrapon'Andriamanitra ary ny nanomezany voninahitra an'Andriamanitra.

Ny asa tsara hotanterahintsika kosa izany dia ny fanaovana ny sitrapon'Andriamanitra ary manome voninahitra an'Andriamanitra amin'ny asa rehetra izay ataantsika.

Noho izany, dia tsy maintsy man-

Ny nitondra ny hafatra dia Pasteur RANDRIAMISAINA Triomphe

Alahady 26 Novembre izay nalaina tao amin'i Matio 25:31-46

Aseho tsara eto fa ho avy ny Tompo. Ampiomanina antsika ary inoantsika izany. Rehefa ho avy i Jesoa dia angoniny ny olona rehetra ary avahany ny ondriny izay eo ankavanany ary ny osy izay eo ankaviany.

Eto i Jesoa dia mampiseho fa manana ny fandaharany amin'ny ondriny Izy.

Izy izay mikarakara, manompo, mahafoy ary manolotena manao ny asan'Andriamanitra.

Tsarovy fa tian'Andriamanitra hotahany sy antsoiny ny olona rehetra.

Izany fiafian'ny Tompo izany dia hiomanantsika dieny ety an-tany. Koa andao àry hanolotena ary hiverina hafana fo indray isika rehetra mba ho kristianina voaantso avokoa rehefa tonga ny Tompo ka ho eo ankavanany. Tanteraho tsara ny fanompoana fa hatrany amin'ny faran'ny tany no nanirahin'i Jesoa antsika mba

hitoriana ny filazantsara amin'ny olona rehetra.

Amen

Ny nitondra ny hafatra dia Président Synodal RABETO-KOTANY Miharilaza.

Alahady 19 Novembre izay nalaina tao amin'i Marka 13:24-37

Ho avy tokoa ny Tompo ary tsy fantatra na oviana izany.

Hafatra roa no zaraina amintsika raha ho avy ny Tompo :

1- Tsara fiomanana ny olona mitseña ny fiafian'ny Tompo.

Mila miambina mandrakariva isika.

Izany hoe miambina izany, dia mitandrina tsara ny Tenin'Andriamanitra sy izay nampianariny antsika.

Tadidio tsara fa fantatry ny devoly fa raha vao mino isika, dia hovonjena, hany ka miasa mafy Izy hanala ny Tenin'Andriamanitra ao anatintsika.

2- Mila miharitra.

Tsy maintsy mandalo fahorianana ny kristianina ary mihamafy hatrany izany.

N'inona n'inona endrika ise-hoan'izany anefa, dia mila maharitra isika satria zakantsika izany ary manana ny hevitra hitondrany antsika tsirairay ny Tompo.

Noho izany, aza mangataka andro fa miomana tsara ary mahareta na inona na inona ady atrehintsika.

Amen

Ny nitondra ny hafatra dia Pasteur RAKOTONIRINASOA Hubert

Alahady 5 Novembre izay nalaina tao amin'i Zefania 1:14-18.

Te hiaro ahy sy anao i Jehovah.

Hafatra roa lehibe no zaraina amintsika raha ho avy ny Tompo :

1- Fandraisana fanapahan-kevitra entina mitodika amin'Andriamanitra.

Ny ota dia mampahory ny olona, mampiraparapa azy etsy sy eroa ary fototry ny fahafatesana.

Tsarovy fa ny olona, rehefa manota, dia iharan'ny fahatezeran'Andriamanitra.

Noho izany dia fotoana tsy tokony angatahama andro intsony

Fanompoana an-tsary

